

ersten und uß obirflossikeit mehirdann acht mal obirloufft entpfangen habe, so had er dormith sulche sine teil in gnugliche gewere und besitzung bracht und ist nu hinforder Jungenickel beweisung siner ankunfft sulcher teil addir derhalben antwert dorumbe zu thun nicht pflichtig. Von bergrechts wegen. Vorsigelt mit unser stad secret am fritag noch Eigidii anno domini 1c. LXXXV°.

127. (Vorfreymarckt.)

1483 Mai 5. 5

fol. 48 (132).

Unser gar fruntliche dinst. Ersamen weißen bsunder guten frunde. Nachdem ir uns zeweyer part schult unde antwort Sebalden Manrider als cleger unde Hanßen Raspen als antworter belangent zcugeschickt unde doruber zcu sprechen geschreiben habt. So dann Manrider vorbrengek unde saget, wy Hans Raspe vor etlicher czeyt von yme entpfangen habe gelt unde cleynot, das geschattz ist uff zwey hundert unde funffwnczwenzig gulden Reynisch, an redelichem koffe, dovorsolt 10 Raspe den gnanten Manrider eyn kucks in der Muntczer zeche am Molberge gelegen geben, mit sulchem underschide, das der kucks von Raspen vorbawet solt werden Manrider zcu gutte, biß ßo lange der gewinnhaftig wurde, sulchs konne Manrider ane gerichtshulffe nicht irlangen, begert, das Raspe nach ordenunge der recht doran geweyset sulle werden nach seyner zcusage den gnanten kucks nachmals an in zcu brengen unde hinfurt nach berglewfftiger weyße unde billichem irkanteniß 15 halden, mit forderem inhalde 1c. Dorwider thut Hans Raspe eyn orteilsfrage unde excepcion, dor durch er hoffe yeme zcu sulchen schulden nicht antwort vorpflicht seyn solt, unde saget, nochdeme er Sebalt Manrider in eynem freymarckte vorbewtet habe eynen kukes in der Muntczer zcheche in der gerechtikeyt als er, den habe meyster Reichenbach noch, unde habe yn des in gutter czeyt gewert unde er habe das yn seyne gewere entpfangen, das dorczu gehabt unde gehalden gnuglich sich des 20 ungeeussert unde von ym umbeclagt unde ane rechte eyrede nicht alleynesechs wochen, dorynne man nach bergrechte gwinnen unde vorlißen magk, sunder jor unde tag unde aber jor unde tagk unde nach hewte des tags, er habe den och innē gehabt unde geswigen, dy weyle er tawsent gulden unde faste mehr galt. Dodurch ßo yme der teil yn abefal sey, sulle her hinfurder och sweygen unde sulle yme des antwort zcu thun hinforder nicht vorpflicht seyn, der meynunge mit forderem inhalde 1c. 25

H. spr. w. n. b. v. r. Hat Hans Raspe Sebalden Manrider sulchen kucks vorfreymarck[t] unde yn des zcu rechter czeyt gewert unde Manrider hat den yn seyne gewere entpfangen unde den sich von Raspen umbeclagit ubir bewerte czeyt des bergrechten unde so lange er sich yn seyner satzunge berumet, in seyner geweren gehabt unde behalden, unde der kucks ist yn mitler czeyt, so vil als er setcz[t], guldig wurden, unde Raspe kan das, wy recht ist, beweyßen, so lest sich Manrider 30 sulchs kucks hinfur billich begnugen, unde Raspe ist ym furder dorumbe antwort zcu thun nicht pflichtig noch bergrechte. Vorsigelt mit unser stad secret am montage noch vocem jocunditatis anno domini LXXXIII.

128.

fol. 37c.

Nochdem Erhart Snyder Lange Hanße sinen bruder schuldiget, wy er ym 1 kucks in der 35 Alden Funtgruben, ehir dy gewinnhaftig wurden ist, gegeben und dornoch ane sinen bewust dy helffte darvon verkoufft und als er ynn umbe sulchen kouff, wy der hinder ym gescheen were, angereedt, yn gebeten habe, er solt sulchin kouff zulaßen, er were siner swester halben benotiget, wolt got dy ding

127. Ist in A von anderer Hand (abschriftlich, kein Concept) nachgetragen.

128—133. Vergl. über diese vielleicht vor Anlage des Buches entstandenen Sprüche den Vorbericht.

40

128. Concept (von Hand A) auf einem wohl erst später an dieser Stelle eingeklebeten Zettel. Fehlt in B.